



Cov tswv yim txhawb nqa kev nyeem ntawv thiab sau ntawv: Txhua tus me nyuam xav tau ib lub suab

(Tips to Support Reading and Writing: Every Child Needs a Voice—Hmong version)

Kev txuas lus yog ib txoj kev kawm tas lub neej uas yeej pib puag thaum yug kiag los. Mloog thiab hais yog ob feem tseem ceeb ntawm qhov kawm kom txawj ntawv. Rau cov me nyuam muaj qhov tsis taus heev ntawd, tej zaum lawv yuav poob qab rau txoj kev hais lus ntau zog. Txawm yog koj tsev neeg muaj cuab kav to taub nws cov suab qv thiab siv lub cev qhia xwb los, yeej yuav tau tshawb nrhiav ib txoj hau kev rau koj tus me nyuam los siv cov lus uas yuav pab tau nws kawm kom tau cov tswv yim nyeem thiab sau ntawv thiab txuas lus nrog lwm tus uas tsis yog koj tsev neeg.

1. Xam xyuas cov twj pab txhawb (Assistive Technology)

Cov twj siv los pab txuas lus hu ua Augmentative Alternative Communication los yog hais yooj yim tias AAC. Cov twj no yog qhov muab lub suab rau ib tug tib neeg. Cov twj no kuj yog cov twj siv tau yooj yim los yog tsis yooj yim kiag los muaj, tiam sis lub hom phiaj yog pab tus me nyuam kawm kom tau cov tswv yim txuas lus, thiab kuj muaj ntau ntau hom. Tej yam no yuav yog yam siv tau yooj yim xws li xuas cov duab hais qhia (picture communication symbols) los yog qhov twj siv roj teeb kaw lus (battery-operated recorder) los qib hais qho lus hais tseg lawm. Cov twj pab txuas lus no kuj muaj hom siv tau ntau lo lus uas yuav pab tau tus me nyuam siv tau ntau cov lus hais.

2. Muaj ntau hom kev txuas lus (Offer communication options)

Tej zaum koj yuav hnov tias ib tug me nyuam yuav tsum muaj cuab kav ua thiab siv tau los yog muaj lwm qhov kev txawj ua ntej koj yuav los xam xyuas cov twj pab txuas lus. Kev tshawb fawb qhia tias cov me nyuam kawm siv tau cov twj pab txuas lus no yog los ntawm qhov lawv siv xwb. Cov tib neeg laus nyob nrog cov me nyuam yeej qhia tau cov me nyuam seb yuav siv li cas thiab lawv tseem ua tau tus qau los muab cov lus tso ua ke los txuas lus nrog lwm tus. Tus me nyuam kuj tseem siv tau qhov twj txuas lus los hais kom lwm tus paub thaum nws xav tau dab tsi thiab lwm tus los yuav paub ua raws li qhov nws xav tau.

3. Pib kom ntxov

Txhob ntshai siv cov twj siv tau ntau lo lus. Qhov tiag ces cov me nyuam uas loj hlob zoo yeej pom ntau ntau pua lo lus thaum lawv loj hlob. Lawv yeej sim hais cov suab lus ntawd thiab thaum lawv muaj 2 xyoos lawm, lawv yeej hais tau ntau lub suab lus, ntau lo lus thiab hais tau ntau lo lus ua ke lawm. Cov twj siv tau ntau lo lus no ua rau cov me nyuam paub tau ntau ntau cov lus. Ntau hom twj pab txuas lus no muaj cia koj hloov tau cov lus yooj yim thiab siv ntau cov lus ntxiv kom tus me nyuam kawm tau cov tswv yim thiab muaj kev ntseeg siab los siv cov twj no.

Yog koj txaus siab xav pom cov twj pab txuas lus uas muaj ntau ntau hom no ces, mus saib koom haum PACER Center qhov kev pab hu ua Simon Technology Center, qhov web site yog www.PACER.org/stc/library. Qhov chaw no muaj ntau hom twj los sim thiab qiv.

Xav rau qhov zoo thiab muaj kev cia siab rau. Cov me nyuam muaj qhov tsis taus heev muaj cuab kav txhab tau cov tswv yim tseem ceeb los pab kom lawv muaj rab peev xwm nyeem ntawv, sau ntawv thiab txuas lus ntau ntxiv.